

BOSNA I HERCEGOVINA
FEDERACIJA BOSNE I HERCEGOVINE
VLADA

БОСНА И ХЕРЦЕГОВИНА
ФЕДЕРАЦИЈА БОСНЕ И ХЕРЦЕГОВИНЕ
ВЛАДА

BOSNIA AND HERZEGOVINA
FEDERATION OF BOSNIA AND HERZEGOVINA
GOVERNMENT

Broj: 03-02-515-1/2020
Sarajevo, 28.4.2020. godine

PARLAMENT FEDERACIJE
BOSNE I HERCEGOVINE

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno:		28-04-2020	
Org. jed.	Broj	Priloga	Vrijednost
02	02	812	20

70x

- Dom naroda
gosp. Tomislav Martinović, predsjedavajući

VRLO HITNO

PREDMET: Izjašnjenje Vlade Federacije Bosne i Hercegovine o amandmanima na Prijedlog zakona o izmjenama i dopunama Zakona o izvršavanju Budžeta Federacije Bosne i Hercegovine za 2020. godinu - hitni postupak

Poštovani,

U skladu sa članom IV.B.3.7.c) (IV) Ustava Federacije BiH, a u vezi sa odredbama člana 183. Poslovnika o radu Doma naroda Parlamenta Federacije BiH („Službene novine Federacije BiH”, br. 27/03, 21/09 i 24/20), u prilogu Vam dostavljam **Izjašnjenje Vlade Federacije Bosne i Hercegovine o amandmanima na Prijedlog zakona o izmjenama i dopunama Zakona o izvršavanju Budžeta Federacije Bosne i Hercegovine za 2020. godinu - hitni postupak**, koje su u Domu naroda Parlamenta Federacije BiH podnijeli: **Senad Alić, delegat (3 amandmana) i Klub delegata hrvatskog naroda (2 amandmana)**, a koje je Vlada Federacije Bosne i Hercegovine utvrdila na 171. hitnoj sjednici, održanoj 28.4.2020. godine.

S poštovanjem,



PREMIJER

Fadi Novalić

Prilog: kao u tekstu

Cc: Federalno ministarstvo finansija -
Federalno ministarstvo financija
gđa Jelka Milićević, ministar

Na osnovu člana 73. Poslovnika o radu Vlade Federacije Bosne i Hercegovine - Prečišćeni tekst („Službene novine Federacije BiH“, br. 6/10, 37/10 i 62/10) a u vezi sa odredbama članom 183. Poslovnika o radu Doma naroda Parlamenta Federacije BiH („Službene novine Federacije BiH“, br. 27/03, 21/09 i 24/20), nakon razmatranja amandmana na Prijedlog zakona o izmjenama i dopunama Zakona o izvršavanju Budžeta Federacije Bosne i Hercegovine za 2020. godinu - hitni postupak, koje su u Domu naroda Parlamenta Federacije BiH podnijeli: Senad Alić, delegat (3 amandmana) i Klub delegata hrvatskog naroda (2 amandmana), Vlada Federacije Bosne i Hercegovine je na 171. hitnoj sjednici, održanoj 28.4.2020. godine, utvrdila sljedeće:

IZJAŠNJENJE

o amandmanima na Prijedlog zakona o izmjenama i dopunama Zakona o izvršavanju Budžeta Federacije Bosne i Hercegovine za 2020. godinu, koje je podnio Senad Alić, delegat u Domu naroda Parlamenta Federacije BiH

AMANDMAN I

U prijedlogu Zakona o izmjenama i dopunama Zakona o izvršavanju budžeta Federacije Bosne i Hercegovine za 2020. godinu, u članu 5. stav 1. predloženi stav (6) mijenja i glasi:

“Sredstva utvrđena na razdjelu 16. Budžeta, ekonomski kod “Tekući transferi drugim nivoimo vlasti i fondovima - sredstva iz RFI aranžmana sa MMF-om”, koristit će se na osnovu Odluke o utvrđivanju kriterija i raspodjele sredstava koju donosi Vlada uz saglasnost Parlamenta Federacije BiH”.

IZJAŠNJENJE

Amandman se ne prihvata **Obrazloženje**

Obzirom da Parlament Federacije Bosne i Hercegovine usvaja Izmjene i dopune Budžeta Federacije BiH kao i pripadajuće Izmjene i dopune Zakona o izvršavanju Budžeta Federacije BiH i na taj način utvrđuje odgovarajuće politike. Vlada Federacije BiH je mišljenja da bi prihvatanje predloženog amandmana značajno usporilo realizaciju navedene odluke. Dodajući tome otežane okolnosti po pitanju održavanja sjednica Parlamenta Federacije BiH, smatramo da se Odluka o utvrđivanju kriterija i raspodjele ovih sredstava treba zadržati u ingerenciji Vlade Federacije BiH.

AMANDMAN II

U prijedlogu Zakona o izmjenama i dopunama Zakona o izvršavanju budžeta Federacije Bosne i Hercegovine za 2020. godinu, u članu 14. stav 1. predloženi stav (6) briše se.

IZJAŠNJENJE

Amandman se ne prihvata **Obrazloženje**

Definisana formulacija predloženog zakona o izmjenama i dopunama Zakona o izvršavanju Budžeta Federacije Bosne i Hercegovine za 2020. godinu osigurava Vladi Federacije BiH fleksibilnost, u smislu da bez davanja dodatnih ovlaštenja i bez ponovnih izmjena i dopuna budžeta eventualno može zamijeniti izvore finansiranja po principu da ako se ne realiziraju sve predviđene emisije dugoročnih obveznica, da ima mogućnost koristiti alternativni izvor na način da izvrši prodaju

potraživanja i u iznosu većem od 100 miliona KM. Imajući u vidu da se od 2020. godine penzije isplaćuju iz Budžeta Federacije BiH, s ciljem održavanja stabilnog finansijskog sistema i budžetske ravnoteže, navedena fleksibilnost će omogućiti održavanje fiskalne stabilnosti, kao i likvidnosti Budžeta Federacije BiH.

AMANDMAN III

U prijedlogu Zakona o izmjenama i dopunama Zakona o izvršavanju budžeta Federacije Bosne i Hercegovine za 2020. godinu, u članu 14. stav 1. predloženi stav (6) mijenja i glasi:

“U slučaju da se primici od dugoročnog zaduživanja ne ostvare u planiranom iznosu, Vlada može izvršiti prijevremenu naplatu ili prodaju nedospjelih potraživanja iz osnova odobrenih kredita krajnjim korisnicima i iznad planiranih iznosa primitaka o maksimum do iznosa neostvorenih planiranih primitaka od dugoročnog zaduživanja, sve uz saglasnost Parlamenta Federacije BiH”.

IZJAŠNJENJE

Amandman se ne prihvata

Obrazloženje

Definisana formulacija predloženog zakona o izmjenama i dopunama Zakona o izvršavanju Budžeta Federacije Bosne i Hercegovine za 2020. godinu osigurava Vladi Federacije BiH fleksibilnost, u smislu da bez davanja dodatnih ovlaštenja i bez ponovnih izmjena i dopuna budžeta eventualno može zamijeniti izvore finansiranja po principu da ako se ne realiziraju sve predviđene emisije dugoročnih obveznica, da ima mogućnost koristiti alternativni izvor na način da izvrši prodaju potraživanja i u iznosu većem od 100 miliona KM. Imajući u vidu da se od 2020. godine penzije isplaćuju iz Budžeta Federacije BiH, s ciljem održavanja stabilnog finansijskog sistema i budžetske ravnoteže, navedena fleksibilnost će omogućiti održavanje fiskalne stabilnosti, kao i likvidnosti Budžeta Federacije BiH.

IZJAŠNJENJE

o amandmanima na Prijedlog zakona o izmjenama i dopunama Zakona o izvršavanju Budžeta Federacije Bosne i Hercegovine za 2020. godinu, koje je podnio Klub delegata hrvatskog naroda u Domu naroda Parlamenta Federacije Bosne i Hercegovine

AMANDMAN I

Članak 5, stavak 6. mijenja se i glasi „Sredstva utvrđena na razdjelu 16. Proračuna, ekonomski kod „Tekući transferi drugim razinama vlasti i fondovima – Sredstva iz RFI aranžmana sa MMF-om“, raspodjelit će se prema broju stanovnika po popisu iz 2013. godine sljedećim kantonima:

- Tuzlanski kanton
- Sarajevski kanton
- Zeničko – Dobojski kanton
- Srednjobosanski kanton
- Unsko – Sanski kanton
- Hercegovačko – Neretvanski kanton
- Zapadno hercegovački kanton
- Hercegbosanski kanton
- Posavski kanton
- Bosansko – Podrinjski kanton

IZJAŠNENJE
Amandman se ne prihvata
Obrazloženje

Predloženim Amandmanom gdje je broj stanovnika jedini propisani kriterij raspodjele sredstava po kantonima ne uvažava ekonomsku nerazvijenost i neodrživost pojedinih kantona kojima je potrebno osigurati dodatan iznos sredstava za njihovo funkcionisanje do kraja godine. Također, predloženi Amandman nije u duhu Zaključka koji je usvojen u Predstavničkom domu a kojim se predviđa uvrštavanje pondera kod raspodjele ovih sredstava za dva nerazvijena kantona.

AMANDMAN II

Članak 5, stavak 6. mijenja se i glasi „Sredstva utvrđena na razdjelu 16. Proračuna, ekonomski kod „Tekući transferi drugim razinama vlasti i fondovima – Sredstva iz RFI aranžmana sa MMF-om“, raspodjelit će se prema broju stanovnika po popisu iz 2013. godine sljedećim kantonima:

- Tuzlanski kanton
- Sarajevski kanton
- Zeničko – Dobojski kanton
- Srednjobosanski kanton
- Unsko – Sanski kanton
- Hercegovačko – Neretvanski kanton
- Zapadno hercegovački kanton
- Hercegbosanski kanton

Za Posavski i Bosansko – Podrinjski kanton predvidjeti ponder 2 koji će se koristiti uz kriterij broj stanovnika prema popisu iz 2013.

IZJAŠNENJE
Amandman se ne prihvata
Obrazloženje

Uvažavajući pozitivne zakonske propise, eventualno prihvatanje predloženog Amandmana podrazumijevalo bi usaglašavanje različito usvojenih tekstova ovog zakona od strane oba Doma Parlamenta Federacije BiH. Navedeno bi značilo da se predložene izmjene i dopune Budžeta Federacije BiH za 2020. godinu, kao i pripadajućeg Zakona o izvršavanju istog ne mogu odmah staviti u funkciju, što dodatno otežava trenutnu situaciju u smislu hitne reakcije na okolnosti nastale usljed proglašenja pandemije virusa COVID-19, a u cilju poduzimanja preventivnih mjera u borbi protiv iste kao i sanacije posljedica nastalih po privredne subjekte.

V. broj: 582 /2020
28.4.2020. godine
Sarajevo



PREMIJER

Fadi Novalić